

國民革命軍北伐戰爭史

編 續 庫 文 方 東

史 爭 戰 伐 北 軍 命 革 民 國

(上)

編 主 五 雲 王
五 聖 李

念 年 十 社 雜 東
刊 紀 週 三 誌 方

行 發 館 書 印 務 商

國民革命軍北伐戰爭史上册

目次

- 一 緒言……………(一)
- 二 北伐之目的與勝利之原因……………(二)
- 三 北伐出師前之國內形勢……………(六)
- 四 國民革命軍第一期戰績——北伐出師與兩湖戰爭……………(一五)
- 五 國民革命軍第二期戰績——東南五省之戰爭與國民軍聯軍援
陝……………(三四)

國民革命軍北伐戰爭史

張梓生

一 緒言

國民革命軍於民國十七年六月上旬驅奉軍回奉而佔有「舊北京」。不旬日，孫傳芳部、鄭俊彥、李寶章諸軍，張宗昌部、徐源泉軍先後易幟，天津亦告肅清。及七月一日，張學良更自瀋陽來電，聲明願意停止戰爭，徐商和平統一辦法，北伐軍事，於此告終，全國統一，指日可待。於是七月六日，國民革命軍全軍總司令蔣中正，集團軍總司令馮玉祥、閻錫山、李宗仁等，總指揮朱培德、鹿鍾麟、商震、白崇禧等及

其他躬與北伐戰事之軍長數十人，並黨，政，工，商，學界數百人，在北平香山碧雲寺中國國民黨故總理孫中山先生靈前，舉行北伐完成之祭告。

吾人於北伐完成以後，所企望者爲訓政之實施，建設之進行；而與此企望相伴而起之回憶，則爲兩年以來革命戰爭經過之歷史。此兩年以來之戰爭，不但在國民革命之過程中佔有重要之位置；卽就革命軍人之主義以外之特點及軍民聯合奮鬪向軍閥進攻之兩事言之，亦有可以使後人聞風感興者。因就能力所及，蒐集材料，撰茲短文，以供後之編革命史者之參考。

二 北伐之目的與勝利之原因

國民革命之目的，在求中國之自由平等，此孫中山先生遺囑中所明切言之

國不能自由平等之帝國主義及其工具之國內軍閥。此意義在國民革命軍總司令蔣中正北伐宣言中言之最爲明晰：

「……慨自辛亥革命，迄今十有五年，禍亂相仍，擾攘不止。人民陷溺於水火之中，日益深熱。追求致亂之源，悉由帝國主義者爲之厲階。彼既挾砲艦政策，以保持其脅迫而取得之不平等條約；攘奪我關稅自主，妨害我司法獨立，壟斷我全國金融與交通，使我新興工業，受其扼制，固有農業，被其把持。因而商業蕭條，民生凋敝，遍地皆匪，百廢莫舉。而彼復利用萬惡之軍閥爲其工具。摧殘愛國運動，剝奪人民自由，更驅使全國軍人，同室操戈，必使我內亂不絕，而彼乃得操縱我政治與經濟之全權。環境險惡，如此其甚，猶謂於國民革命以外，別有救國途徑，寧非欺人之談？革命戰爭之目的，在造成獨立自由之國家；以三民主義擁護國家及人民之利益，故必集中勢力於三民主義之下，推倒

軍閥與軍閥所賴以生存之帝國主義……」

同時發表之國民黨宣言，更說明打倒帝國主義者及國內軍閥之目的，在建設統一之政府。實爲更進一層之解釋：

「……本黨於此時機，熟察前因後果，深知中國人民困苦之根本原因，在帝國主義及其工具賣國軍閥！深知目前中國之唯一需要，在建設統一政府；統一政府成立，則外足以抵抗帝國主義之恫嚇壓迫，內足以拒絕軍閥之禍國殃民；統一政府不成立，則外禍益烈，內亂益甚。……本黨從來主張用和平方法，建設統一政府。蓋一則中華民國之政府，應由中華人民自起而建設；一則以凋敝之民生，不堪再經內亂之禍，故總理北上之時，即諄諄以開國民會議解決時局，號召全國。孰知段祺瑞於國民會議陽諾而陰拒，而帝國主義者復煽動軍閥，益肆凶焰。迄於今日，不特本黨召集國民會議以謀和平統一之主

張，未能實現，而且賣國軍閥吳佩孚得帝國主義者之助，死灰復燃，竟欲效袁世凱之故智，大舉外債，用以摧殘國民獨立自由之運動……過去數年之經驗，已經證明帝國主義者及賣國軍閥實為和平統一之障礙，為革命勢力之仇敵。故帝國主義者及賣國軍閥之勢力不被推翻，則不但統一政府之建設永無希望，而中華民國唯一希望所繫之革命根據地，且有被帝國主義者及賣國軍閥聯合進攻之虞，本黨為中國人民之惟一需要——統一政府之建設，鞏固國民革命根據地，不能不出師以剿除賣國軍閥之勢力……』

至於北伐之可得勝利，則在出師以前半年，第二次全國代表大會開會時，已有相當之把握。第二次全國代表大會宣言中第三段，本黨努力之經過中曾謂：

「……去年五月卅日以後，青島上海九江漢口廣州等處之慘殺案接踵而起，帝國主義窮凶極惡的面目，暴露無遺，而全國民衆努力從事於國民革命

之精神，已漸爲世界所認識矣。最近北京民衆之示威運動，又足以褫軍閥之魄，使知與帝國主義勾結，非惟不能恃以爲固，且適足以犯衆怒而促其死亡。大河南北，大江南北及湖南北間，農工民衆，團體組織，日以堅固，能力日以發達，其參加國民革命運動，亦日以熱烈。吾人更於此時，鞏固廣州之革命根據地，肅清一切反革命分子，掃除東江南路一切叛徒，建立與人民合作之政府，及與人民合作之軍隊，以坦白之精神，爲民衆謀利益，同時領導民衆，從事於國民革命，雖受帝國主義者及其工具之重重壓迫，屹然不爲之搖動，且決其覆滅之期，必不在遠，最後之勝利，終屬之吾人……」

三 北伐出師前之國內形勢

吾人於記述戰事以前，所應說明者，除上述北伐之目的外，卽爲當時之國內

形勢。此應分：（一）帝國主義者之聯合壓迫，（二）國內軍閥之割據，（三）國民軍之退守，（四）革命根據地之穩固之四端言之。至於當時政治之腐敗，經濟之困迫，民生之痛苦，則爲隨前兩者而生之現象，本篇不能爲之詳述；而吳佩孚張作霖等護憲護法之爭，尤無一述之價值也。

一 帝國主義者之聯合壓迫

帝國主義者久已視我中華民國爲彼等共有之次殖民地。憑彼因脅迫而獲得之不平等條約，既肆行其經濟侵略之手段，限制我出入口稅則，竊取我財政及交通大權，歲吸我膏血數萬萬元，使我國農工商業永無抬頭之日；更進而爲政治的侵略，稍不如意，卽以各國聯合警告，實施砲艦政策相威嚇。其重要之例證，如北伐出師三月前對於大沽海口戰事之干涉，先之以十二國公使之聯合抗議，繼之以日本軍艦實行開砲，最後英美法日荷意西比八國且以限四十八小時答復之

最後通牒送交外交部，強迫交戰雙方軍官之屈服，致演成「舊北京」空前慘劇之三一八大屠殺事件。外禍如此，使無國民革命軍之興起，壓迫之來，日益深烈，迄今日不知其成何現象也。

二 國內軍閥之割據

『軍閥之大者，藉口武力統一，把持中央；其小者，藉口聯省自治，把持地方。其唯一目的，在掠奪國家及人民之利益；其唯一手段，在擁兵自衛……』此國民黨第二次全國代表大會宣言中述當時大小軍閥之言也。此輩大小軍閥，擁兵自衛，據地自雄，在北伐出師一月前，其較有勢力者之情形，大概如下：

甲、吳佩孚 自十三年失敗後，於十四年十月，乘東南反奉戰事，在武漢重振

旗鼓，自稱受十四省擁戴，就討賊聯軍總司令職。當時所謂討賊，即討奉也。乃於年終，忽宣布結束反奉戰事，與張作霖諒解，以國民軍及段祺瑞之臨時政府爲其討

賊之目標。次年三月，擊潰岳維峻之國民軍第二軍，佔有河南，沿「舊京漢路」北進。五月，率大軍北上，與奉軍合作，向南口國民軍進攻，一時聲勢頗盛，勢力遠及川湘黔等處，奉系之直魯兩省，亦與遙通聲氣。更接納粵桂失敗軍人，陰謀向革命根據地進攻。所部二十餘萬人，除陳嘉謨統率之湖北各師，靳雲鶚統率（靳免職後由吳自統）之直系舊軍，尙可一戰外；其餘如寇英傑守河南之軍，劉鎮華攻陝西之軍，則地盤思想過重，不能自由調遣；此外由降軍收編而成軍者，尤不易統率，不服命令，未足以供緩急之需也。

乙、孫傳芳 自十四年反奉戰爭後，據有蘇浙皖閩贛五省，整理地方以收民心，訓練軍隊以備作戰，遙尊吳佩孚而不與段政府決裂，徐與奉方解釋嫌怨，而亦不開罪於他方，樹保境安民之幟，存沉機觀變之心，一實力充足之軍閥也。五省軍力，將及二十萬，而以盧香亭之第二師，謝鴻勳之第四師，鄭俊彥之第十師爲其

中堅。

丙、張作霖 自郭松齡反奉失敗，關外奉軍重加整理，元氣雖喪，戰鬥之力尙存。十五年二月，乘李景林張宗昌與國民軍劇戰於津浦路北段，吳佩孚猛攻河南之機會，張學良復率所部攻佔山海關，向國民軍作側面之威脅。及李張戰勝，國民軍放棄天津，乃派大隊奉軍入關參戰，既占有一舊北京，張作霖即以奉系首領資格入關，號令張宗昌奪直隸於李景林之手以與褚玉璞。更運用手段以玩弄吳佩孚：於南口戰事則請吳部進攻，待其兩敵，以奉軍收其功，乘機伸足於察哈爾；於中央政治，則以合作爲詞而陰事操縱，並主擁護約法，以妨吳氏護憲運動之進行。此時之奉派，實力稍遜，而遇事得占便宜，地位實至優越也。其兵力合奉吉黑直魯熱察約亦二十萬人，以張學良韓麟春之第三、四方面聯合軍爲其中堅。

丁、段祺瑞 自十三年再起後，日思爲其嫡系武人謀地盤及收舊直系不安

於位之小軍閥於門下，以造成本身之實力，而便與奉系、國民系成鼎足之勢。初以處於奉國兩大之間，不能有所發展，如鄭士琦之不能立足於山東，王揖唐之不能久居於安徽，劉鎮華、吳新田之卒敗於陝西是也。繼則反奉戰起，外受獨立省分之電責，內爲國民軍系所監視，更不能有所活動。其惟一之能事，在挑撥各方而使之不安，以圖乘機有所獲取。吳佩孚根據地之湖北，孫傳芳所屬之江西，均爲其活動之目的地。而其始則助國民軍，下令討奉，及國民軍戰敗退守，又陰謀聯奉以傾覆國民軍，卒致爲鹿鍾麟所發覺而夤夜逃入使館界，尤爲顯然之事也。故段祺瑞者，可謂無實力之空頭軍閥，而「竊據中央」以活動者也。

此外全國中除革命省分外，各小軍閥，多爲此四大勢力所支配。如湖南之趙恆惕，表面揭聯省自治之旗幟，實際則爲吳佩孚之附屬。四川之劉湘，貴州之袁祖銘，周西成，則周旋於段政府，吳佩孚，國民政府諸方，以求自存。其能在軍閥中自成

一派者，只雲南之唐繼堯也。

三 國民軍之退守

國民軍本爲三軍，馮玉祥第一軍駐於察綏及「舊京畿」附近，第二軍岳維峻部駐河南，李雲龍部駐陝西，第三軍孫岳部駐保定及與豫魯接壤處。十四年終，李景林既與國民軍開戰，三軍合力，驅李入山東。十五年初，吳佩孚攻河南，第二軍回師作戰。張宗昌亦派褚玉璞助李景林反攻，出全力以爭天津。張學良更乘機報復，入山海關以側擊馮軍。此時之國民軍，蓋在四面受敵之中，艱難困鬪，求助於廣州之國民革命軍，則遠水不救近火；求緩和一方以分敵勢，亦復計不得售。馮玉祥既於一月初下野，各方聯合反國之目標已去，而仍進攻不已。岳維峻之第二軍首潰於河南，李雲龍急回陝西，而劉鎮華已受吳佩孚命率師入潼關，直迫西安，以求恢復其陝西督辦之地位。三一八慘案後，一、三兩軍通電求和，並撤前敵各軍，退駐

西北以表誠意而亦不爲敵方所諒，段祺瑞左右既陰聯奉軍以求一逞，敵軍亦三面進迫，曹錕之復位，不能止吳佩孚之進攻，於是鹿鍾麟乃不能不退守南口。苦戰四月，不支而退往西北極邊，並與閻錫山化敵爲友，以未及退卻之大部軍隊相託，而此時在南方，則國民革命軍已入湘矣。

四 革命根據地之穩固

革命根據地之兩廣，自十三年一月國民黨改組，第一次全國代表大會開會後，黨務、軍事、政治均有極顯著之發展。蔣中正之創辦黃埔軍官學校，尤努力於革命軍中堅人材之養成。十四年春，孫中山先生北上，東江之陳炯明軍視爲有虛可乘，直攻虎門；廣西沈鴻英部亦竊發，雲南之唐繼堯更受沈鴻英勾結，派兵東侵。革命軍既以李宗仁、黃紹雄、李濟、深、范石生任西面，掃除沈鴻英，截阻雲南軍；東面則以反側軍隊劉震寰、桂軍、楊希閔、滇軍任中左兩路，蔣中正以黃埔軍官學校校長

指揮何應欽王柏齡所率由該校畢業生新組成之教導團兩團約三千人，會同許崇智之兩師任右路，直攻淡水，下平山。惠州天險，楊坤如以勁旅守之，而無濟於陳軍之敗。此時陳炯明部洪兆麟熊略練演雄林虎諸軍共八九萬人，爲蔣中正不及萬人之黨軍所擊，竟如秋風掃落葉，不二月而全離潮梅，遁入閩贛邊境。此在革命軍戰史中應稱之爲「第一次東征之役」。經此一役而蔣中正之能軍，新組黨軍之善戰，黃埔學生之勇名，乃震動全國矣。六月，楊希閔劉震寰之變，蔣中正許崇智自東江，李濟深自西江，復回師廣州。肅清內部反動分子後，更有六三沙基慘案發生。中央黨部卽於七月一日成立國民政府，於外交之堅持，政治之建設，財政之整理，軍權之統一，着着進行。及十月二次東征，蔣氏指揮之軍隊已擴成三師，成立革命軍第一軍。既以四十八小時攻破向時圍攻數月而不能克之惠州堅城，驚破陳軍之膽，進而肅清東江，使陳軍不能再起。李宗仁黃紹雄亦肅清廣西，令范石生堵